

黎副總統政書

第十冊

黎副總統政書 電稿

卷之十二目錄

寄王師長安瀾 中華民國元年七月三日

附覆電 中華民國元年七月五日到

致陸軍部 中華民國元年七月四日

覆鄧陽樊之淦等 中華民國元年七月五日

附來電 中華民國元年七月四日到

致安慶柏都督 中華民國元年七月六日

寄仙桃鍾季師長雨霖 中華民國元年七月九日

附沔陽下五院自仙桃鎮來電 中華民國元年七月九日到

寄襄陽劉公等 中華民國元年七月九日

致長沙譚都督 中華民國元年七月十日

附余君來電

中華民國元年七月十七日到

附譚都督來電

中華民國元年七月十七日到

致蘭州趙都督

中華民國元年七月十二日

覆蘭州趙都督

中華民國元年七月十三日

上大總統

中華民國元年七月十四日

致財政部

中華民國元年七月十五日

附來電

中華民國元年七月十日到

致陸軍部

中華民國元年七月十七日

上大總統

中華民國元年七月十八日

上大總統並致各院部

中華民國元年七月十八日

寄廣濟縣知事

中華民國元年七月十八日

覆廣西陸都督

中華民國元年七月十九日

致長沙譚都督

中華民國元年七月十九日

寄各營縣

中華民國元年七月二十日

覆鄧陽龐成功等

中華民國元年七月二十日

致成都胡護督

中華民國元年七月二十日

覆德安王師長安瀾

中華民國元年七月二十二日

致長沙譚都督

中華民國元年七月二十二日

上大總統並致京外各機關

中華民國元年七月二十日

致貴州楊前督

中華民國元年七月二十二日

覆廣西陸都督

中華民國元年七月二十五日

上

大總統

中華民國元年七月二十五日

會同湘都督譚上

大總統

中華民國元年七月二十五日

寄武穴商會及廣濟縣知事

中華民國元年七月二十五日

覆老河口龐成功等 中華民國元年七月二十七日

致各省都督 中華民國元年七月二十八日

上 大總統 中華民國元年七月二十八日

上 大總統並致京外各機關 中華民國元年七月二十九日

致交通部 中華民國元年七月二十九日

黎副總統政書

電稿卷之十二

寄王師長安瀾

中華民國元年七月三日

沙洋來電裏樊軍隊爭戰甚烈究竟實情如何務速詳報爲要並設法收拾散兵免致地方糜爛

附覆電

中華民國元年七月五日到

江電敬悉已飛飭赴襄前站隊伍及鄖陽軍隊星夜前往襄陽老河口保護教堂及地方併宣撫張國荃計日可達地方教堂似無大礙專此電稟
致陸軍部

中華民國元年七月四日

敝省軍官學校已於七月一號開學上課所有管教各員及學生名數開列備查正副校長各一員副官二員總教一員教員十員助教八員學生隊長一員中隊長二員區長四員學生一百九十六名譯述若干視洋教員酌定特此電達

覆鄭陽樊之淦等

中華民國元年七月五日

支電悉張國荃敗潰劫掠無理索餉稅局危急須速救援張軍可撫則撫不可撫則勦相機辦理總以保護地方百姓及外人生命財產爲要該標餉項仍遵王師長前電在河口稅局請領

附來電

中華民國元年七月四日到

屬標奉王師長電至河口稅局領餉現據劉公羅管帶及稅局電稱有張國荃敗散逃兵數百抵口大肆劫掠並向稅局要餉二十萬危急萬分乞速救援之淦等以未奉剿撫命令兼難領餉且籌措維艱勢甚迫切究應如何辦法懇速電示祇遵

致安慶柏都督

中華民國元年七月六日

管退砲并該砲兵一隊前已電告歸還尊處蒙允派員接收茲逾三月之久尙未前來刻因楚材兵艦赴滬修繕仍派雷君金龍乘便將該砲該隊特送來皖

至時望即點收爲荷

寄仙桃鎮季師長雨霖

中華民國元年七月九日

雨漬水漲希即派兵保護沔陽下五院一帶勿使蘆林湖人民滋生事端是爲至要

附沔陽下五院自仙桃鎮來電

中華民國元年七月九日到

現雨漬蘆林湖猖言掘害下五院危極望懇電飭駐仙八師兵駐壓弭禍

寄襄陽劉公等

中華民國元年七月九日

頃因款項支絀所有軍隊萬難添練駐襄軍隊如有不敷即由第六師王師長處分撥以資調遣勿得添招是爲至要

致長沙譚都督

中華民國元年七月十日

共和建設需材孔多貴省余君肇康前在敝省政聲卓著遺愛在民元洪籍隸漢陽曾荷帡幪莘莘學子受教尤多現擬聘充敝府顧問官俾獲時聆教益未

知肯俯就否敬祈閣下代爲敦請俾吾鄂士民有所矜式無任拜禱

附余君來電

中華民國元年七月十七日到

譚都督寒日寄示蒸電敬悉睽隔有年時懸錦注每從報紙側讀各電維持調護備具苦心八表經營端資碩責惟冀內外相維抱一爲式休養生息同享昇平邦本既固鄰誼斯孚知注在偉業中矣曷勝仰望肇康自去夏染患腳氣呃逆力辭路役迄今伏處山鄉譚都督屢相問訊尙未能興疾詣省藉答殷拳辱荷引招備供顧問譚都督亦加緘勸行舊治關懷矧承藻飾雖在衰庸自應勉効棉薄無奈厥疾未瘳難遽就道如有諮詢之件必貢一得之愚擬請暫以電牘往復以副盛心臨風惘惘仰惟海涵幼丹先生亦別久矣凡百君子均乞代達飢渴之懷餘由譚都督電復

附譚都督來電

中華民國元年七月十七日到

前奉蒸電具仰優賢余君因病鄉居當卽致函敦促茲得復書深感禮文

願備顧問惟宿疾方劇未克首途一俟就痊便當來鄂微公名德下足招處既徵聲氣之同彌領風誼之篤

致甘肅趙都督

中華民國元年七月十二日

前陸軍第三中學甘肅伏羌學生原志誠肄業該校已屆畢業鄂軍首義亦著勛勞茲請赴京軍官學校更加研究志願可嘉應請貴處速寄川資以資造就如蒙允許即匯至潼關廳署轉交爲盼

覆蘭州趙都督

中華民國元年七月十三日

電悉鎮哈兩廳現皆靖寧慰甚北山抗拒剿撫互見均易了局尤慰遠懷無任欽佩時勢多艱善後事宜仍希共相維持鞏固大局特復

上

大總統

中華民國元年七月十四日

准國務院文電開七月十二日臨時大總統令任命黎元洪領湖北都督事准此竊元洪猥以樗材謬蒙簡任聞命之下無任悚惶際茲民國初基萬端待

理創夷未起補苴實難雖夙夜自矢於共和而經營未完夫藍華猶復曲加矜宥俾領鄂軍艱鉅濫膺深虞隕越特以國爲民命尙待扶持不得不承乏暫時藉資襄助惟冀時加指示得所遵循北望首都臨電延企

致財政部

中華民國元年七月十五日

蒸電祇悉津廠存銅先裝運五千石來鄂接濟感荷無量惟鄂中財力竭蹶異常須得大批銅觔加工鼓鑄方資周轉昨據張委員錫桐電稱貴部允以次等銅一萬石協鄂更佩熱誼此項銅觔究係由部併運來鄂抑由鄂派員赴津裝運請電復以便遵辦

附來電

中華民國元年七月十日到

感電計呈閱尊處情形甚爲焦念現查天津幣廠尙有存銅可先撥伍千石接濟鄂廠如需用乞電復以便裝運

致陸軍部

中華民國元年七月十七日

前由鄂委員邵保在日本三井洋行定野砲附屬品二十二組業已到申懇貴部照會總稅務局飭滬關頒發由滬轉運漢口之護照爲禱

上

大總統

中華民國元年七月十八日

查去年八月起義漢口大清分銀行總理齊相琴席捲銀行款項私放麥加利正金德華道勝等銀行買辦處爲數甚鉅現在相琴潛逃無踪各銀行買辦亦深鄙相琴之爲人僉謂北京大清總銀行如派人持信會同鄂軍政府委員來漢自可將相琴私存款項取回是否可行敬候鈞裁

上

大總統並致各院部

中華民國元年七月十八日

鄂中財政情形前已繫述但月終轉瞬軍餉匱乏較前尤甚仍命財政司長李作棟來京面呈一切多少萬乞接濟爲盼

寄廣濟縣知事

中華民國元年七月十八日

武穴演戲前已禁止何得復於縣城任意演戲現大局艱難匪類未靖若城治

不禁四鄉効尤一有擾害誰尸其咎仰卽嚴行禁止曉諭閭邑如有劣紳從中
違抗准嚴拿究辦

覆廣西陸都督

中華民國元年七月十九日

佳電悉卽以尊意轉告統一同盟諸公矣執事遠謨卓識坦懷相示凡我同胞
允宜顧全大局奉爲南鍼敝處已飭各鎮軍人一律脫黨惟以國家爲前提內
消爭競之風外籌禦侮之計執事如有高見尙祈時賜箴言共扶危難同舟風
浪無任馳依

致長沙譚都督

中華民國元年七月十九日

國務院巧電諒達黔事爭執已將半載尊處協助中央已允籌還惟洪江條件
究竟能否履行抑終歸決裂執事就近調查必能得其真相並請設法維持以
免圍牆

寄各營縣

中華民國元年七月二十日

張國荃王開典違抗編制戕官潛逃罪無可逭仰各營縣一體查緝送省訊辦

覆鄧陽龐成功等

中華民國元年七月二十日

文電悉霰電諒達餉項已撥潰軍有槍械者照省城六十人一隊編制暫歸陳德元管轄此次軍務該營長等調度有方民教安堵殊堪嘉尚特電獎勵無任馳系

致成都胡護都督

中華民國元年七月二十日

救國捐籌款艱難各處一轍將構廣廈必賴衆材民困未甦何堪重累興言及此慙汗交并貴省商會建議請以川鹽運銷滬漢以鹽款備繳救國捐款自係愛國熱忱惟事關江楚兩省商場又係淮鹽銷岸能否變通辦法應候中央解決此復

覆德安王師長安瀾

中華民國元年七月二十二日

皓電悉襄樊老河四營足資鎮懾張國荃潰兵乘其恐慌解散甚易所見甚是

准卽電飭龐成功等將此項編制潰兵仍令繳槍發給恩餉遣散龐成功等各營歸該統制管轄調遣統希妥爲辦理爲要張國荃王開典罪大惡極國法難宥務須嚴密緝獲就地正法以儆巨蠹

致長沙譚都督

中華民國元年七月二十二日

趙君均騰昨歸黔事中央訖無解決惟望湘鄂設法了結此案爭執日久若再遷延禍變之生不可思議鄂受影響湘尤切膚日夕思維莫名焦灼查洪江會議黔代表牟琳等以全權委任取三方協同所定條件萬不能作爲無效黔軍歸黔慎軍歸滇本至當不易辦法黔電多方抗執要不能將黔軍歸黔一語抹煞其異點惟繳械不繳械耳劉春霖等電亦但舉席正銘等回黔平亂之電以爲口實於條約究不敢議及可知公理所在無可駁回此時宜就彼中所指目者略予通融以塞黔軍之口仍照會議條件決定執行以安黔軍之心查席電係因黔中反對條約發生措詞憤激亦固其所惟既爲黔中所忌宜即將席正

銘陳開釗數人暫留湘鄂酌量委用徐再遣還以免衝突辰常黔軍仍請中央簡派宣慰使率之回黔所有滇軍節節退出悉照條約辦理至黔軍愛黔必勝於愛湘駐湘有械不肯禍湘回黔有械寧至禍黔是不繳械不足慮席正銘等容與黔人有隙暫不回黔率以回黔者係宣撫使責任決無暴動之事是尋仇報復不足慮鄙見如此我公如以爲然即請會電大總統迅即委定宣慰使發布命令尅日進行以免再生他變趙君均騰堅不入黔元洪亦需備顧問前議應作罷陳君斌生公忠廉果久鎮湘西熟悉黔中情形似尙能勝此任可否電請簡派卽候卓裁再經此次中央命令之後黔中如再有挾私抵抗公然稱兵者卽是有心破壞共和實爲民國公敵元洪與公責任所在斷難坐視惟酌奪示復

上大總統並致京外各機關 中華民國元年七月二十二日

六部改組竟成泡幻誰爲厲階遂使莽莽神州陷於無政府地位國之不存黨

於何麗籌思及此五內如焚推厥原因皆由誤解共和漫無界說憲綱不振秩序勢如內訌不已外患斯乘不有法律其何能國元洪內察我國之現狀外審列強之視綫蠡測所及不能不爲大總統暨參議院諸君痛切陳之按文明國法律原則命令不能變更法律然非常緊急之時得發大權命令緊急命令是命令可濟法律之不及我國政府一日不鞏固卽外人一日不承認危亡之禍近在眉睫此誠危急存亡之時矣大總統受國民委托之責責有專歸應請當機立斷無徇黨見無拘常法但以民福國利爲前提並按約法第十五條第三十一條第三十六條得以敏活從事庶可秩序不紊而邦本以寧元洪之期望於大總統者此也參議院諸君爲國民代表卽爲國家命源立法之機關停滯一日卽政府之危險增加一分爭議不決延宕時日如國家何如大局何識者謂前清之亡旣由立憲後來之禍亦在共和諸君偉畫盡籌諒早見及人孰無心何忍出此惟望知識互換意見消融不拘黨爭但謀福利共促國基之鞏固